

jednice Hrvatske gdje nam je rečeno da sada nemaju referenta za ta pitanja i da je u toku natječaj za popunjenje tog mjesta.

Savez zajednica Jugoslavije nas je obavijestio svojim pismom broj 02-2 od 10. 3. 1977. citiramo:

U vezi sa vašim dopisom od 22. 2. 1977. godine obavještavamo vas, da je stručna grupa za pitanja beneficiranog staža na sastanku održanom 15. februara o. g. razmatrala zahtjeve za utvrđivanje radnih mjesta sa uvećanim stažom radi dogovora zajednica penzijskoinvalidskog osiguranja o zajedničkom radu na rješavanju zahtjeva u smislu Društvenog dogovora iz ove oblasti (Službeni list SFRJ br. 7/76).

S obzirom da je zahtjev tog Poslovnog udruženja novijeg datuma, i u redosljedu razmatranja prispjelih zahtjeva će se razmatrati u postupku propisanim pomenutim društvenim dogovorom, u stručnoj grupi je dogovoreno da recenziju — ocjenu dokumentacije uz ovaj zahtjev vrše, odnosno daju, zajednice penzijskog osiguranja SR Srbije i SR Makedonije.

Zajednica SR Makedonije sada posebno traži dva do tri primjerka stručne dokumentacije.

Prema tome pitanje beneficiranog staža u slatkovodnom ribarstvu je u toku i uvjereni smo da će biti povoljno riješeno.

Pero Pogrmilović

Iz poslovnog udruženja

Upravni odbor Poslovnog udruženja slatkovodnog ribarstva Jugoslavije održao je 23. 2. 1977. godišnju skupštinu na kojoj je pored ostalog raspravio i usvojio završni račun za 1976. godinu, usvojio plan poslovanja Udruženja za 1977. godinu i razradio plan aktivnosti Udruženja na osnivanju Poslovne zajednice slatkovodnog ribarstva Jugoslavije.

U toku rasprave konstatirano je, da je Poslovno udruženje u toku 1976. godine vrlo dobro poslovalo. Plan izvoza ostvaren je kao nikada do sada. Pored toga Udruženje je aktivno djelovalo i na ostalim poslovima i pitanjima od posebnog interesa za slatkovodno ribarstvo, kao granu privrede.

Da bi se ubrzo rad oko osnivanja Poslovne zajednice upravni odbor je formirao komisiju, koja će okončati rad na izradi samoupravnog sporazuma o osnivanju poslovne zajednice i provesti njeno formiranje.

U tu svrhu je određen plan rada na osnivanju Poslovne zajednice i to:

1. Do 15. 4. o. g. rad komisije na pretresu nacрта Samoupravnog sporazuma o udruživanju u Poslovnu zajednicu. Usaglašavanje SS sa odredbama ZUR-a i Zakona o udruživanju u opća udruženja i PKJ,

Prepisivanje SS i slanje svim organizacijama na teren — tako da ih prime do 15. 4. 1977. godine.

2. Od 16. 4. do 15. 5. 1977. Rasprava samoupravnog sporazuma u organizacijama udruženog rada i slanje pismenih primjedbi.

3. Od 16. 5. 1977. do 1. 6. 1977. sastanak svih organizacija (U. O.) radi usaglašavanja teksta sporazuma.

4. Od 1. 6. do 15. 6. 1977. usvajanje samoupravnog sporazuma po OUR-e. Samo usvajanje vrši se referendumom (čl. 463 ZUR-a).

5. Od 15. 6. do 1. 7. 1977. Osnivačka skupština.

6. Od 31. 7. do 31. 12. 1977. izrada normativnih akata, organizacioni poslovi i registracija.

U komisiju za izvršenje poslova oko osnivanja Poslovne zajednice slatkovodnog ribarstva Jugoslavije izabrani su drugovi:

1. Popić Pavle direktor ribarskog gazdinstva Beograd, predsjednik, te članovi
2. Davidović Lazo direktor radne organizacije »Riboprodukt« iz Prijedora,
3. Bačmaj Ivan direktor Ribnjačarstva »Siščani«, Cazma,
4. Mijatović Krešo direktor Ribarstva Osijek i
5. Turk Mirko direktor Instituta za ribarstvo Zagreb.

UDRUŽIVANJE ORGANIZACIJA UDRUŽENOG RADA U OPĆA UDRUŽENJA I PRIVREDNU KOMORU JUGOSLAVIJE

Skupština SFRJ proglasila je zakon o udruživanju organizacija udruženog rada u opća udruženja i Privrednu komoru Jugoslavije. Taj zakon stupio je na snagu dana 18. 1. 1977. godine. Prema ovom zakonu opće udruženje se osniva za unapređenje rada i poslovanja OUR-a jedne ili više grana privrede. Za koje će se grane privrede osnovati opća udruženja određuje skupština Privredne komore Jugoslavije. Prema članu 12 ovog zakona u opće udruženje obavezno se udružuju radne organizacije i njihove poslovne zajednice. Rok za provedbu ovog zakona određen je 4 mjeseca odnosno 18. 5. 1977. godine. Preko ovih općih udruženja radne organizacije postaju članovi PKJ. U tu svrhu PKJ dostavila je svima radnim organizacijama »Polazne osnove o utvrđivanju grana privrede za koje su OUR-a dužne osnovati Opća granska udruženja u Privrednoj komori Jugoslavije.

Polaznim osnovama o utvrđivanju grana privrede za koje su OUR-a dužne da osnuju opća granska udruženja u PKJ predviđeno je osnivanje 28 granskih općih

udruženja. Ribarstvo je svrstano u opće udruženje za poljoprivrednu proizvodnju (grane 0201 poljoprivredna proizvodnja, 0202 poljoprivredne usluge i 0203 ribarstvo). To znači da mnoge privrede koje računaju sa svojim posebnim udruženjima pri PKJ neće dobiti svoja posebna granska opća udruženja. Dakle, ostati će i dalje bez svog odgovornog predstavnika u PKJ. Mišljenje ribarskih organizacija udruženog rada je, da je ribarstvo posebna grana i da u svakom slučaju treba da ima svoje opće udruženje, pa prema tome i svog predstavnika u PKJ sa kojim će moći da računa. To tim više što do sada nismo imali u našem privrednom sistemu ovlaštene niti odgovorne osobe za ribarstvo što se negativno odražavalo u poslovanju ribarstva. Radi toga je sada želja svih ribarskih organizacija slatkovodnog i morskog ribarstva u SFRJ da se to nebi smjelo desiti i za ubuduće.

Zakon o udruživanju OUR-a u opća udruženja dao je velika ovlaštenja Privrednoj komori Jugoslavije, dok republičkih, pokrajinskih i osnovnih privrednih komora i ne spominje. Praksa će pokazati šta se s time htjelo. Možda će novi sistem komore biti centraliziran kao što je devizni sistem.

Poznato je da su ostale komore nezadovoljne sa intencijom Polaznih osnova PKJ o osnivanju općih udruženja. Republička komora Hrvatske je predložila čak manji broj općih udruženja upola manje nego PKJ. Po tom pitanju bio je jedan sastanak delegata Osnovne privredne komore grada Zagreba.

Delegati ribarstva iznesli su stavove i prijedloge svojih organizacija slatkovodnog i morskog ribarstva SFRJ da ova dva ribarstva osnuju jedno svoje opće

udruženje. Oni su imali na umu svrhu a ne broj općih udruženja.

S tim u vezi sazvala je sastanak Privredna komora Jugoslavije na nivou Grupacije slatkovodnog ribarstva SFRJ. Sastanak je održan u Beogradu dana 9. 2. 1977.

Na sastanku grupacije je konstatirano da za slatkovodno ribarstvo nije predviđeno posebno opće udruženje. Pored ostalog na sastanku grupacije je utvrđeno da su po pitanju osnivanja granskih općih udruženja provedene diskusije u organizacijama udruženog rada, Grupaciji slatkovodnog ribarstva Slavonije i Baranje, Grupaciji za slatkovodno ribarstvo pri privrednoj komori SR Hrvatske i Grupaciji morskog ribarstva Jugoslavije. Svi ovi forumi su se nedvosmisleno izjasnili da se za slatkovodno i morsko ribarstvo osnuje jedno gransko udruženje.

U tu svrhu Grupacija slatkovodnog ribarstva Jugoslavije je donijela ovaj

ZAKLJUČAK

1. Predlaže se PKJ da se za slatkovodno i morsko ribarstvo osnuje jedno opće udruženje.

2. Da se svi delegati ove grane privrede založe u osnovnim republičkim i pokrajinskim komorama da se ovaj zaključak usvoji, jer je to stav svih ribarskih organizacija udruženog rada u cijeloj SFRJ.

4. U slučaju drugog stava PKJ da nas se ponovno konzultira.

Pero Pogrmilović, Zagreb

